

PANEGYRICUS FUNEBRIS
SERENISSIMO AC POTENTISSIMO
SVECORUM, GOTHORUM ET VANDA-
LORUM REGI

CAROLO GUSTAVO,

PIO, FORTI, AUGUSTO,

Kalend: julj, Anno clō lōc LXI.

WITTENBERGÆ

Solenni ritu dictus,

In

Acroaterio Majore,

à

Gustavo Hempelio.



STADÆ SVECORUM.

Apud ELIÆ HOLVVÆIN Regij Typographi Viduam.

Anno M DC LXI.

THE
CAROLINA
MAGAZINE

Vol. 1. No. 1.
1834.
PUBLISHED BY
J. M. L. & CO.
No. 10. N. Y. ST.



ILLUSTRISSIMO AC GENEROSISSIMO DOMINO
DN. CHRISTOPHORO
DELPHICO,

Burggrafio ac comiti in Dohna, Domino hæ-
reditario in Korvvinden, Schlobitten, Burekhartsdorff,
Stockenfels & Fischbach, Sacræ Regiæ Majestatis Succæ
Consiliario Bellico & Exercitus pedestris
Generali:

Ut &

VIRIS

*MAGNIFICO, NOBILISSIMIS, AMPLISSIMIS MAXIMÆ
STRENUO,*

DN. DANIELI NICOLAI,
Jero celeberrimo, Regiæ Majestatis Svecicæ in Duca-
tibus Bremensi & Verdenſi Cancellario & à Consiliis
Secretioribus Gravissimo.

DN. STEPHANO GAMBROTIO
Hirschstern /
Ejusdem Regiæ Majestatis Svecicæ Bellico & Legationis
in Franciam Consiliario ab assistentia
Felicissimo.

Evergetis Tutelaribus suis opt.
Maximis.



Quem tot rebus magnificè gestus, florentem Pellæum juvenem nemo præter Lysippum Apellemq; pingere sustinebat; quid de me futurum, qui fortissimū Heroa, tantarumq; Virtutum æmulum, si non parem, adumbrare ingenii penicillo ausus: qui ne conferendus quidem cum illis sum, imò Zeuxi quoq; ac Protogene longo intervallo inferior? Danda tamen in prius venia erit, ut quod ab ingenio viridi sanè nec percocto satis ad sapientiæ solem sperare nemo potest, id pietati & obsequii gratitudini ferat acceptum, remq; Areopagitarum more modoq; judicet magis quam reum. Optandum quidem esset, ut par Tanto Principi Orator contigisset, stylusq; hoc argu-

mento

mento nobili dignus. Qui tyrocinii adhuc fervore cū exultet, nec sibi constet satis, pompamq; ac splendorem aulicum procul habeat, eō erectior tamen in hanc spem subnixus, ut, quod ab ingenio sperare nequibant, VESTR. EXCELL. præfixis nominibus ferant acceptum : Has igitur ingenii primitias VESTR. EXCELL. patrocinio consecro, quā decet animi submissione ac devotione. Deus interim VOS in multos annos incolumes servet, mactetq; votis ad invidiamusq; felicibus.

VESTRARUM,
DOMINI,
EXCELLENTISSIMARUM VIRTUTUM
Eminentissimiq; Nominis

Devotissimus cultor

Gustavus Hempelius.



Rector

ACADEMIÆ WITTENBERGENSIS,

CASPAR ZIEGLERUS,

Phil. & J. u. Doctor, Codic. Prof. Publicus, Curiaë

Elect. Scabinatus & Facult. Juridicæ

Assessor,

CIVIBUS ACADEMICIS S. D.



VI arcano quodam moderamine, rerum humanarum versat arbitria ac coërcet, DEVS admirabilis, ultra sæculi decursum, Serenissimos Suecia Reges, pietatis Zelo, sapientiâ, Heroicis virtutibus, felicitate magnâ, belligerandi arte, consiliariisq; exquisitisq; raritatibus, instruxit adeo ac cumulavit ; Ut iustam, plurimû Europæi orbis Principibus, de factorum æqualitate, controversiam fecisse adappareant,. Vnde etiam altissimâ meditatione rem tantam decenter æstimandi, plus omnino insinuare illa quidem explorari nescia Numinis providentiâ videtur, quàm vel plebejæ capiunt animæ, vel affectuum præoccupati impetu censores, secum reputare possunt. Quotumvisq; enim eminentior ceteris Rerumpublicarum status factus unquam est, quem egregiis Heroum pariter ac Consiliariorum admirandorum præfationibus, non armatam antea & initiatum vidimus ? Assyrios certe, Medos, Persas, Græcos, Romanos, & à nullo, nisi seipsis domitos Germanos, ubi sollicitâ annualem replicatione intervissimus ; quantis, illi quæso, Principibus, viris, viribus, consiliis, successibus, antequàm ad supremam niterentur, res agitarunt suas ? Hoc discrimine solummodo intercedente, ut imperiorum lentiori alia, alia maturiori, obscuriori item aut illustriori ausu, tantum, præ reliquis elevarint caput,

Quantum lenta solent inter viburna, cupressi.

Deus, Deus est, qui & Reges ordinat, & Heroes fingit, & bellatores spiritus impertis : ad Ecclesiæ stabilendas sedes, deponendos, de sede, superbos, ac temperandum,

randum, severiori disciplina, orbem. Hic, quicquid decrevit factum, singulari mediocrum subinnuere concessu solet. Falsus profecto haud fuerit, qui tam proprium nobilissime Suecorum genti vincere ac triumphare dixerit, quam proprium soli lucere est, ac inter media nubium velamenta, radios vibrare fortissimè stringentes & ejaculari. Attamen ne rhetoricari magis, quam pondera loqui videamur, fidem conciliare dictis etiam oportet. GUSTAVUS, cognomento I. seculo quintodecimo aliquantum adulescente, acerrimus, quibus cum conflictabatur, malis obrutus, licet ad necem etiam, exemplo ERICI, Genitoris, quaereretur; suam tamen & virtute & industria, per Dei gratiam, eluctatus incolumis est, & superior adversarius factus, ita rem feliciter administravit omnem, ut inter vota plausuq; gestientium, solenni júbilo Suecorum Rex renuntiatus, patriam crudelissimè afflictam, intra biennium, libertati restituerit, gliscentes civilium discordiarum fomites extinxerit, leges saluberrimas sanxerit, sacros religionis cultus instauravit, Russos ferocius tum insolescentes fregerit, hereditariam Regum successionem prius stabiliverit. At licet in ERICO XIV. & JOHANNE nutare pleraq; viderentur; exitum tamen singulari Numinis favore, CAROLUS, atq; huic omnibus (Patre CAROLO quoq;) major, magnus GUSTAVUS ADOLPHVS fuit. De hoc, quicquid magnifici vel dixerimus, vel gloriosè meditabimur unquam, minus erit. Ita & seipsum supergressus, & Heroum facile omnium vel adæquavit, vel superavit brevi, excellentissima facinora: ut laudamus illum, idem forte occinpossit, quod quidam, Herculi Panegyricum dicturus, audire cogebatur: ECQVIS VERO VNQUAM HERCVLEM VITUPERAVIT? Majolinus certe Bisaccionius, ex Italia Comes, partium suarum quidem scriptor, atq; ideo subleste quodammodo fidei, in Historiâ tamen armorum GUSTAVI ADOLPHI, in Germaniâ gestorum, professus liberaliter est: superiorem, sui temporis, virtutem neminem recognovisse GUSTAVUM. Eandem, in hoste etiam, virtutem, ceu fas est, laudat alius Italiæ Comitum, Galeatus Gualdus, Fridlandiæ Ducis, longo usu familiaris, in Historiâ bellorum Ferdin. II. & III. IMPP. Philipp. IV. Hispan. contra Gustav. Adolph. Sveciæ, & Ludov. XIII. Franciæ Regg. dum biennij vix elapso spacio, ducentarum ac nonaginta sex, Germaniæ urbium, arciumq; munitissimarum, felicissimo successu, occupationem ipsi tribuit. Duxq; ROHANÆVS, vel, quiquis autor est Trutinæ Statuum Europæ, non nisi per densissima nubium, virtutem magni ADOLPHI mundo ostensam fuisse, quinto discursuum suorum, à calce testatur. Nunc quid de CAROLO GUSTAVO, gloriosissimæ memoriæ PRINCIPE, Gorborum, Vanda-

Vandalorum, Svecorumq; REGE Serenissimo, dicemus? Qui, cum in vivis esset, fortissimus, hostibus HECTOR: suis, amabilissimus AGAMEMNON: OPTIMVS, optimi quibusq; TRAJANVS: inter belli fulmina, TREMENDVS SCIPIO: in ovumolimine, CIRCUMSPECTISSIMVS HANNIBAL, breviter: DiviGVSTAVI ADOLPHI, ex sorore & nepos, & virtutum egregiè, si fortuito superfuisset suis, æmulus existerat. Cujus non triumphos modò ac tropæa, sed & alios, primum (ut mos bellorum fert) accipites quidem, post tamen auspiciatos, rerum in vitâ gestarum, decantaremus oppidò & enuntiaremus actûs; nisi hoc nos labore sublevasset Ornatisissimus ac egregiæ Spei Juvenis, GVSTAVUS HEMPELIVS, Stadensis: Qui conscripta eleganti, tersâ, nec sine numero castâ latinitali Oratione, OPTIMI MAXIMI PRINCIPIS prosecuturus laudes est. Meretur omnem per se favorem, luculenta GVSTAVI nostri indoles; sit amen clientis, ex debito pietatem, erga Serenissimum REGEM suum ac Dominum meriamur, non possumus non commendare laudabilissimum conatum. Temporum interea annales vestigaturi, deprehendemus non sine notâ dimittendum, quod perendina nobis lux reficabit omen: dum VII. nimirum Kalendas Quintilii, Anno supra sesquimillesimum, tricesimo, primos in Pomeraniâ, Germaniæ fines, attingit Invictissimus Religionis nostræ assertor GVSTAVUS ADOLPHVS: solemniquè, flexis poplitibus, recitata precum formulâ, pro successu in benignitate, vota calidissima Numini allegavit, quo ipso quoq; die, centum annus ante hac, Confessionis Augustanæ articuli, Divo CAROLO V. Imp. Augustæ Vindelicorum exhibebantur. Non præter remigitur ordinem fecit de votissimis Encomiastes, ut memoriæ exstimulatus sanctitate, illum quoq; diem, qui quasi religiosus nomini Suecico videri poterat, post impetratam à nobis veniâ, obsequioso coleret officio. Vestrum, CIVES ACADEMICI, est, favere optimi commisionis instituto, & ad perendinam prædictum manè, hora IX. in acroasterio majore, liberalem benivolamq; auscultandi copiam dicenti commodare. Hæc enim ratione & concivem devincietis magis, & quod dignum vobis est, exequimini munus, & debitam, post sata quoq; pietatem, Principi gloriosissimo probabitur. P. P. DOMINICA II. post TRINITATIS, anno recuperatæ gratiæ clō lōc LXI,




9
RECTOR MAGNIFICE,

PRÆILLUSTRIS AC GENEROSISSIME L. BARO.

VIRI

Maximè Reverendi, Nobilissimi, Amplis-
simi, Consultissimi, Experientissimi, Excellentissimi,
Clarissimi, Prudentissimi; Tuq; Studioforum
Florentissima Corona, Spes optima
Patriæ.

 I Principum Heroumq; natales, & qui-
bus lucē viderunt, primordia, sancta ac vene-
rabili Solennitate condecoramus, atq; anniver-
saria quādam lætitia inauguramus veluti, sic, ut & tor-
mentorum tonitrua immanisq; fragor & plurimus fumo permixtus i-
gnis, inter illa festa gaudio accendant animos & efferant quodam-
modò, sui propemodum nescios pietatis ac reverentiæ, quæ de-
betur magistratui, interesse cum maximè videtur, Illustres obitus
etiam, illudq; tempus, quod Natali Cœlo, redonavit ingentes ani-
mas, festis honoribus mactare inprimis; quò acceptam divinitus
cladem, lugeamus vehementius, ac delineamus calidis votis iratum
Numen, ut sanet inflictum vulnus medenti dextrâ, aliumq; Tibici-
nem substituat, qui collapsas regni spes sustineat feliciter & in so-
lido servet. Principum verò elogia & excellentes, quas Posteris re-
linquunt, laudes, sicut prælustribus animis in exemplum perennant,
quod suspiciant ipsi ac sectentur, & ad seros Nepotes longeq; ventu-
ra secula commendent aliis: Ita invisus ille ac ingratus erit, qui vel
minimam celebrandi Principis occasionem, præterlabi negligenter
sinat, totq; beneficiorum nomina, incurioso silentio involvat,
quæ tacere læsi quoq; Numinis offensa ac piaculum foret. Non te-
merè tamen ac incogitanter cui libet accuratior laudatio suscipien-
da erit: quæ ut non nisi ad Sapientissimos pertinet: Ita singularem
Spiritus ac eloquentiæ quasi quendam cothurnum requirit. Pru-

B

dentiores

dentiores enim nec assentandi pruritu vexantur, & cum ratione semper ac iudicio solitaq; reverentiâ id muneris norunt usurpare. Nihil verò sanctius, ut ille ait, reverentia superstitum habere videtur, quàm ut amissorum venerabiliter recordetur. Quod dum molior quoadatenus, de augustissimo Suecorum Gothorum Vandalorumq; Rege, CAROLŌ GUSTAVO dicturus, Divos Manes magni PRINCIPIS obtestor, ut munere innocentium studiorum ceu mica salis thurisq; quâdam velut acerrâ litari sibi patiantur. Non est in me juvene quidem, ac admodum tyrone vel Sapientiz ejusdam præsumptio, vel ætatis ille etiam modus, ut senile quid ac efficax aut in EUM, de quo verba institui facere, aut ad vos etiam, AUDITORES LECTISSIMI, coram quibus dicendum, à me expectari possit. Necamen planè silerem mei paullo securior, officii fecit sollicitudo ac religio, quâ Regi Maximo Indulgentissimoq;, subditus devotissimus obstringor. Neq; verò dum in eo sum, superba exstruam mausolea aut cælo contractum minantia theatra, titulisq; fulgentes arcus, statuas atq; colossos, aut insculptas marmoribus auroq; imagines ponam: quibus cum interitus veniat tandem, utpote non validis satis contra vetustatis morsus, literarum advocanda memoria erit, quæ ut æterna est, ita nec tractu temporum nec ævi incuria intercidit. Illud modò (antequàm ulterius provehar) à Vobis, Auditores omnium Ordinum honoratissimi, summo perè contendo, ut non tam orationis aliquam formam ac habitum, quàm unam pietatem meam respiciatis. Cui si satis fecero in præsens, nec auscultandi benignitatem mihi, quam deprecor simplex, nec favorem Vestrum defuturum confido.

Quorum operæ excedunt vulgaris Virtutis terminos, Juvenes præcludunt rebus post gestis, talesq; se exhibent omnibus, quales admiratur orbis deinceps ac stupet. Virtus enim sic ut neminem excludit, sed se insinuat ultrò admittentibus: ita excellæ mentis hominibus adhæret inprimis, illosq; arctissimo quodam contubernio beat, ac supra aliorum extollit sortem. Nec illud verò totum tam innata per Parentes, ac insitâ indoles, quam accuratior institutio conferre solet. Quam utramq; cum Illustrissimus Princeps nactus singulari Numinis favore esset, quomodo non egregiam de illo spem concipere omnes ac conjicere de facili in primo illo ac tenerrimo ætatis

ætatis flore potuissent, Eum talem futurum, qualem cognitum iudicarent. Quemadmodum enim agricolæ aut qui plantaria atq; arbusta exercent, ex ipsis arborum floribus, de futura uberrima fructuum messe ducere conjecturam solent: ita prudentissimus quisq; ex Puero Virum auguratur.

Genus NOSTRO antiquissimum ac Illustre inprimis contigit, cujus diffusum longelatq; splendorem abnuvit Orationis infantia attemptare. Utinam verò ire per tot Palatinorum Rhēni decora felicitatisq; inusitatæ possem cognomina, quæ vel promeruerunt gestæ ad æternitatem res, vel fortunæ munificentia tribuit. Majores enim Ipsius vel dederunt Reges, Imperatoresq; orbi, vel sacro affinitatis matrimoniiq; nexu attingebant Imperii Proceres. Illud maxime omnium memoratu dignissimum, nullam humano generi familiam superesse, quæ sui generis authorem & Principem, per tot pulcherrimas inclitæ domus series Carolum Magnum, illum augustissimum Imperatorem, tam notanter agnoscat ac veneretur, quàm Principes ac Palatinos Rhēni, qui & Majestate Imperatores, dominio Reges, Virtute ac splendore Principes fuerunt, & verè, ut cum Poëtarum principe loquar, PASTORES POPULORUM. Patrem nat' est JOHANNEM CASIMIRUM, DUCEM BIPONTINUM: Matrem, Divi GUSTAVI MAGNI, Sororem, Caroli IX. Gothorum Vandalorum Suecorumq; Regis filiam. Singulari autem ac planè divino fato, dispensante ita mortalium res Numinis providentiâ, factum esse arbitramur, ut nasceretur in Suecia NOSTER, hoc ipso augurio ac omine, ut exoriretur primum Divus ille fulgor Summi Principis in eo Regno, quod undiquaq; illustraturus radiis Majestatis suæ erat. Non spectandum equidem est, quo natus quisq; stemmate sit, sed ut moratus plurimum; nec, cui regioni debeat vitam, sed quâ ratione instituat illam ac degat. Predierunt augustæ virtutes è gurgustiolis ac inter rastra haud semel emicuit fulgentissimum virtutis jubar, involutusq; crassis pannis infans, qui vel peristromata Campania fastidivit postmodum, multasq; adeò gentes infra suâ Majestatem vidit. Juvat tamen non nihil ad meliorem frugē natalis terra, & ad indolē temperandam haud parū interest, ubi, & unde quis fuerit natus. Et itaq; inter felicitatis titulos recensendū existimo, quod in Suecia Princeps lucē hauserit primordiale,

Anno supra millesimum, sexcentesimo vigesimo secundo. Non intra saxa & rupes, asperrimoq; illo Ulyssis nido, sed in amœnissima regionum & temperatissima, si vel qualitatem Soli Cœliq; consideres, seu operum magnificentiam respicias affabreq; constructam arcem Nycopiam, illam Sudermannix pharon, à quâ denominati ipsi Reges, & quæ inter fastigia titularum recensita jam olim. Natura hic congestis undiq; illecebris, per geniale solum sese insinuat passim ac luculenter prodit: Firmissimum arci circumdedit robur, lambit eam fluvius & circumambit veluti, delicatissimis piscibus completus affatim. Nolo nunc Mathematicorum cœlum consulere, quamq; propitia fata NOSTRO fuerint in primo illo vitæ limine rimari. Tale enim sidus concomitatæ sunt innumeræ stellarum myriades, providentiæq; divinæ admirandum eluxit exemplū. Quod Ipse propinquitate attingeret GUSTAVUM MAGNUM, Cujus heroica facinora ingrati sunt ac impii qui non condignè æstimaunt, fervoremq; illum puræ ac incorruptæ religionis, per quem tanquam aliquod Numen inter Mortales omnium oculos oraq; in se convertēbat. Hunc cū per omnia virtutum exempla strenuè grassatum inrueretur NOSTER, æmulaturus, imò si liceret, superaturus tantam gloriam, totum sese ad Hujus veluti vestigia composuit, insitumq; illum vigorem & alacritatem animi elicit honestissimā imitatione ac promovit. Accedebat insuper accurata educatio, quæ formabat egregiam indolem, ne degeneraret & desisteret à Virtutis tramite, si illum quidem degenerare posse existimamus, qui Virtutem sibi æterno ac indissolubili contubernio adjunxerat. Et sanè doctrinæ præcepta quando maturè insiguntur Principum animis ac implantantur veluti intimis pectorum fibris ac penetralibus frugifero literarum semine, tunc Legum vinum, secundum quam Optimus quisq; Principum incedit, videntur sustinere. Præcipitanda tamen in primis mora est, dum adhuc instar sequacisceræ generosiores animi ad unguem finguntur. Tumenim Virtus judicium confirmat, delectumq; quendam ostentat, ex deniq; magnitudinem animi mansuetudine ac justitiâ temperare ac condire veluti solet. Quemadmodum regula norma; rei ipsa recta sit, oportet, ut ad motas res æquet ad amulsum & justè afficiat ac mensu-

ret æqualiter : sic Princeps postquam formatus indutusq; omni virtutis habitu ac compositus veluti est, tunc demum imperet & exhibeat se subditis, qui ad ipsius exemplum vitæ cursum instituunt. Nemo ignorans docere alium potest : & quis credat illum imperare posse, qui non ipse paruerit alioquum imperio antè. Princeps enim sicut Numinis simulacrum est, sic per Virtutem ad archetypum accedit propius, seq; sibi normam rectissimam fabricat : Ut qui dare leges cæteris velit, ipse sibi pulcherrima omnium ac sanctissima jura statuatur. Observavit hoc elegantissimus Nepos in Dione, cui cum summo aliàs Viro, unicus superesset filius, eum Dionysius Tyrannus infensus Patri, inter scorta & turpissimas quasq; voluptates educavit, quo extingueret innatam Virtutis indolem & elideret virile robur, dum obruebatur epulis. Puero namq; nullum relinquebatur tempus sobrio. Hunc reversus Syraculas Pater, cum à pristino vitæ instituto arctè habitum attentè revocare niteretur, adeò ille commutatum vitæ statum ferre non potuit, ut se præcipitem è superiori parte ædium dederit desperabundus. Quod ideo adduxisse operæ pretium fuit, PATRES CONSCRIPTI, ut pateat eò clariùs, quantum liberalis institutio conferat, quamq; præstans & omnibus quidem numeris absolutus is futurus demum Princeps sit, qui Virtutis naturam imberbit maturè. Quare NOSTER sic educus, non minùs quàm laudatissimus Principum Cyrus, nasturtium cum pane pro exquisitis epulis, aquam pro generosissimo vino usurpabat, nunquàm se jucundius vixisse affirmans, quàm cum minuta hæc pocula rorantia, non illa capacissima Heraclia vasa ebibisset. Quo factum, ut non corpus tantum ad omne militiæ gravioris robur firmaretur egregiè, in quævis pericula alacre ac agile, seu cominus hostis seu eminus impugnandus foret : sed & animus sibi constans & perpetuà sobrietatis lege, eleganter & magnificè, non profusè ac incontinenter, ad extremum usq; vitæ spiritum ageret armatus. Erat Divus PRINCEPS staturâ mediocri, corpore solido ac succi pleno. & ad impetum præprimis valido, nec agilitas membrorum conformisq; habitus deerant. Quorum alterum natura dederat Heroi : alterum ipse crebrâ ac perpetue exercitatione comparaverat. In cunctis enim bellicis exercitiis à primis incunabulis institutus cum esset, in id in.

cumbebat sedulò, ut fortitudine omnibus par, nulli deprehenderetur secundus; & Virile robur inprimis acquireret, quo omnes suæ ætatis superavit propemodum. Vultus ad gratiam compositus, erat longior magis quàm rotundior, supercilii majestas singularis, oculorumq; incorruptus vigor & acerrimus obtutus. Generosa mens, ac disciplinarum inprimis capax. Omnia verba, tanquàm è penetralibus pectoris ac scrinio quodam interiore deprompta proferebat NOSTER, quæ plus in recessu haberent, quàm promitterent in fronte. Viderunt Eum, viderunt Sui in tot gravissimis expeditionibus, interq; tot ancipitia bellorum non lixis ac calonibus referta habuisse castra; sed fortissimis paratissimisque militibus undiquaque; egregia temperantiæ specimina dedisse. In eo enim periclitata videtur vires suas Virtus, ut talem exhiberet orbi, in quo passim exsplenderent heroica facinora, qualemq; Sarmata, Russus, Balthiciq; Maris accolæ venerarentur, fortunamq; ipsius adorarent. Non contenta enim produxisse è generoso stemmate, ad regale insuper fastigium destinârat cellissimam indolem, ad quod tamen enitendum EI â primis usq; initiis fuit, perq; omnes militiæ ordines: Nec dedit statim, quem septentrio coleret Regem, sed tùm fecit demum, postquàm Heroicæ frugis spes per tot triumphos perq; tot patrata invictâ manu prælia, ad quandam quasi maturitatem adolevisset & ascendisset ad eum gradum, in quo eminere EUM cœli favor, & consecrata mortalibus voluit Virtus. Cornelius Sylla cum Marij hostis Juventam irrideret, quid, inquit, remigem prius esse oportet, quàm nauclerû. Magnus Ille GUSTAVUS, PRINCIPI NOSTRO genuino tantarum Virtutum totq; rerum gestarum Hæredi, instillabat subinde & insufurrabat in aurem tacite Ascanio huic Suo, illud prudentissimi Poëtæ: *Disce puer Virtutem ex me, verumq; l.orem*: Immensû enim calcar ac generosissimæ indolis incentivum est. Majorum res gestas introspicere, suamq; ætatem componere ad illorû exempla. Nam & maxima vim, maximumq; robur Paternus Maternusq; sanguis, vel ad ignominiam, vel ad Virtutem habet, adeò, ut si concepta macula sit, eòusq; promanet ad animum, ut summa sæpe amentia sequatur. Magnus Scipio se quasi quibusdam admotis facibus accendi, & ad editum Virtutis templum rapi affirmabat, si Majorum intueretur imagines: quæq; charitatis ac necessitudinis

rudinis vincula, ea sapius quoq; Virtutū incitamenta nobis existūt. Inde moribus Romanorum receptum laudabilissimè novimus, ut egregia superiorum opera Majores natu, tibiis pangerent in conviviis, modulatis inclusa carminibus, quò ad ea imitanda alacriorem redderent juventutem. Inde, inde oriebantur Camilli, Scipiones, Fabricij, Marcelli, Marij, Pompeji, & clarissima Cæsarum lumina. Virtus enim si subijci humano visui oculisq; usurpari posset, quàm mirificos, Deum immortalem ! sui amores concitatura esset illius diffusa latè pulchritudo ! Quòd cùm fieri non possit, absoluta & expressa Virtutis imago, ad imitationem proponenda erat, ejusq; simulacrum concipiendum veluti

Vt quæ natura negavit

Visibus humanis, oculis ea pectora carent.

Illud superiori ævo in Divo ADOLPHO natus NOSTER cùm esset, quid non molitus, ut insisteret tanti Principis vestigiis, seq; vel supra hujus sortem arbitrà posteritate extolleret ? Audivimus hæcenus ea, Auditores, in quibus primus ille ætatis flos occupatus tanti Principis fuit : quæ omnia cùm non pueritiam sapiant, sed ubiq; cordatam exhibeant Virilitatem, verè convenisse Huic NOSTRO arbitror illud vetus : Magnorum fluminum & fontes navigabiles, Generosiorisq; arboris plantam statim cum fructu esse. Non enim tam angustis anniverfariarum legum spatiis circumscripta augusta indoles est, sed continuò se prodit cum fructu, bullamq; ac prætextam ponit sumptâ Virili togâ. Quod si series Virtutum texenda mihi quæ Celsissimum Principem commendabant, non decorum violabo, aut assentationis crimine me insinulabit quispiam, si tanta gloriæ momenta, ordine quâsi ac gradatim posuero ante oculos Vobis, cùm ea, quæ dicenda sunt, non vera tantùm, sed & perspecta fermè cuivis mortalium habeantur. Non autem operosa testibus advocanda fides erit. Virtus enim ut neminem suâ laude defraudet, ita bonus quisq; aliarum Virtutum laudes non audit tantùm libenter, sed & (quæ ejus bonitas ac modestia est) addit de suo, ut suppleat numerum, consummatumq; ipsemet reddat. Longum foret inquirere in singula, scorsimq; scribere, quantum laudis retulerit NOSTER : tanta quippe Virtus solennes formulas & proletarium Oratorem, verbaq; de trivio respuit, nec
locis

locis communibus includitur ac coarctatur. Ea propter modestissime ac reverenter prima tantum capita persequar, & summities veluti, ac coronas tantorum meritorum decerpam. Rarum in tanto fastigio prudentiæ ac literarum condimentum conspicitur. Non potest tamen non sequi successu bono meditato ante conatus fortuna, quodq; sapientia provisum est prius. Et verò felicissime hæc quoq; in parte æmulatus NOSTER Antecessorem est GUSTAVUM, qui tres linguas, exceptâ Vernaculâ, Gallicam nimirum Italicam & Latinam exactissime tenebat, FILIA Insuper undecim gnarâ linguarum relicta, sine exemplo. Audivimus enim ILLUM inter armorum strepitus lituosq; quasi quædam oracula fundere, tamq; expedite ad Veteris Latiniismi elegantiam loqui, ut in medio Latio natum Eum existimares. Orientis populi postquam sapientiam unice coluerunt, longè lateq; victricia protulerunt signa, ac dominati sunt. Occidentiores exuta barbarie cum tractarent mitiores literas, & literarum & militiæ gloriâ summamq; rerum ad sese traxerunt. Quod Atheniensibus quoq; à Romanis usu venisse annales testantur. Si Plato audivisset Hunc NOSTRUM atq; vidisset, tanto ardore incumbentem studiis: nonne fortunatissimos prædicasset eos populos, qui sub HUIUS umbra tuti delitescerent, omniumq; commoditatum incrementa lucrarentur. Historiarum quoq; studiosissimus erat, illaq; ad unguem tenebat IPSE, quæ Majores EJUS præclare fortiterq; administrarunt. Cautus imprimis in amicis eligendis, qui nec assentatoribus præbebat aures, & fidos ab illis facile dignoscebatur. Nulli enim magis fideles ac juratos, quasi amicos requirunt atq; desiderant, quam qui ad Clavum Reipublicæ sedent. Quandoquidem, qui tot millibus prospicit, non suis semper, sed & alienis oculis videat oportet, hoc est, habeat amicos sinceros fidelesq; consilii secretioris participes, operarumq; socios. NOSTRO PRINCIPI, DIVO CAROLO GUSTAVO, pro accuratissimo ac limatissimo judicio nemo personatus obrepebat facile, sed vitrum ILLE à gemmis, & factitiis à nativis secernebat: Ita tamen ut se ubiq; prudentissimum præstaret, nedum nimis esset credulus, vel nulli planè arbitraretur fidem, subverteret omnem amicitiam & excinderet penitus. Scripsit doctorum non nemo librum de eo, quâ ratione

tionem distinguendus ab amico adulator, refertq; ibidem Carneadis scomma, dicentis, Principum filios nil discere rectius quam equitare strenue, ac in gyrum variare equum & ad omnem disciplinæ modum exercere. Omnia enim, inquit ille, quæ dicunt faciuntque Principes pro oraculis divinitusq; vel dictis vel factis laudum buccinâ & ambizioso verborum schemate extolluntur, & ita præmaturis honoribus juvenum animi ad superbiam tendunt, ut autem se Imperatores esse sciant, quàm discant imperare ipsi.

NOSTER sicut bellandi peritiâ in primis habebat, ita nec animi, nec corporis exercitationem negligebat, multus in venatione, aucupio, equitatione ac quorumlibet armorum meditatione divertens. Celeriter, quæ opus erant reperiebat, neq; minùs in rebus excogitandis promptus quàm gerendis, erat. Quo factum ut nulla re illustratus fuerit magis & inclaruerit, quàm laude bellicâ, quò propriè illud velocitatis accuratissimæ genus spectat. Quàm strenue enim quàmq; fortiter incubuerit bellorum disciplinæ, tot EJUS victoriæ ac triumphus de validissimis ac acerrimis hostibus reportati, luculenter testantur. Militem ad omnem belli fortunam promptum ac exercitatum habebat, sive castra munienda, sive cursu, saltu atq; natatu invadendus hostis, & quæ bellicumque munera cætera subeunda essent. Memorabile ego, & ad feros nepotes longeq; ventura secula propagandum interpretor, INVICTISSIMUM REGEM, cum Polonicas copias debellaret, sex vicibus in conflictu mutasse equum, cum semper ictu sclopeti vel occubuisset caballus, vel sudore madens relictus à REGE esset. Nonne hic potenti dextrâ Deus exercituum, qui Regum moderatur corda, nutuq; suo temperat omnia, REGEM CAROLUM GUSTAVUM illæsum invictumq; præstitit? Pietatem in bello semper observavit NOSTER, tanquam hæreditariam & per manus velut traditam possessionem. Quis enim quæso magis post hominum memoriâ, religionem vel acrius defendit vel propagavit studiosius? Quæ accuratior altera ac devotior gens in veneratione Numinis & Cultu eorum, quæ ad Cœlestia spectant. Ut belli fulmina Scipiones, fatali quodam nexu destinati, ad Carthaginis everfionem suffecerunt semper: sic Sueciz Rex ad Lappas tribulosq; eradicandos, pontificiosq; errores arcendos à suis, divinitus concessus terris ac donatus videtur. His

gradibus GUSTAVUS ADOLPHUS inclitæ memoriz PRINCEPS, pietati addictus devotusq; Numini perpetuò, in Cælum ascendit, vacuumq; crimine animam, pro Religione & pro aris ac focis amicorum posuit atq; effudit. Hanc quoq; laudem propriam quasi ac peculiarem NOSTER natus est, ut religionem pectus haberet inprimis, & regnum Se à Deo habere suaq; omnia ei accepta ferenda esse, gratus meminisset. Nunquam enim congressus cum hoste est, nunquam è castris eduxit militem, nisi Victoriarum omnium arbitro ac datori supplex factus cum toto exercitu, illum sibi benevolum, calidis precibus deliniendo devinxisset; ratus cultum Decrum castissimum sanctissimumq; esse debere, nihilq; procedere ex sententia, nisi cum Mose, Iosua, Davide, Iuda Maccabeo, piis religiosiq; Principibus sollicitaveris anrea Numen & veneratus ipsius clementiam fueris. Addit certè Militibus animos, pura religio, precumq; indefessus ardor, ipsiq; Principibus veneratio ac amor conciliatur. Nam tùm demum alacriter forriterq; dimicant, cùm Numen sibi amicum atq; propitium habent, infallibiliterq; arbitrantur ac sciunt, se in sua statione, tam piè decedere, quàm sacerdotem in suggestu, ac intra ipsas ceremonias sacras ac functiones. Quæ res horridam adhuc & distractam Romanorum multitudinem vel regebat efficacius, vel componebat animos eorum ac mores magis, quàm sapientis Numæ simulata religio, aut ut veriùs dicam superstitio? quo non trahebat mobiles & ad iusta percussas semel mentes? Gens quædam incola aut contermina Sueciæ, (Lappos nominant) superstitionibus futilibusq; vanæ religionis præstigiis diabolicisq; incantamentis dedita nimium erat. Et deploranda quidem in illis non tàm humana imbecilitas vanaq; persuasio, quàm neglectus rerum divinarum ac contemptus. Dum enim luduntur à dæmone, rudes earum rerum, nubem propietate, larvam ac umbram pro recto Numinis cultu amplexi erant. Hos PRINCEPS mitioribus sacris assuetos Catecheticâq; institutione imbutos & certos suæ fidei ac religionis, Cerbero illi ac infensissimo humani generis hosti diabolo eripuit, & faciles sibi obnoxiosq; & ad omne periculum paratos religione ac precibus reddidit. Semper igitur & ubiq; præmium inculpatæ pietatis à Deo tulit, cæptisq; ejus, cæli favor aspiravit identidem. Numinis ope, ea administra-

vit sapius, effecta q; dedit felicissimè, quæ stupenda propemodum & supra omnem fidem sunt. Obruor exemplis, quæ se longo agmine ad manum dant, gestiuntq; celebrari. Ea si referre singula instituerem accuratâ Oratione, non unius diei aqua petenda foret, & totam hominis potius ætatem defatigari illis posse non ex vano augurareris. Unum tantum oratione nudâ explicabo : Cum CAROLUS GUSTAVUS, Polonico implicitus bello, in Coda num tamen sinum traduceret copias, quantum ac quàm singulare illud fuit, quòd ipsum Cælum Baltici maris illum immensum tractum, glacie frigoreq; insolito & inaudito iradensavit, ut instar firmissimi ac solidissimi pontis totum Suecicum exercitum transmitteret in Fünîâ, ubi perculsi famâ adituq; fortissimi oppugnantium vel cæsi sunt, vel dispersi palantes undiq; & capti, ita ut hoc ipso die totius ejus maris accolæ in utroq; littore, talem victoriam, non admirarentur tantum, sed & stuperent planè. Non possum non in præsentî in animum ea revocare tempora, quibus NOSTER imperii gubernacula capiebat primùm, dùm repeto mecum quâ ratione ingressus mare, horribili statim tempestate, impulsu Aquilonis ac quinotæii sidere involutus fuerit. Quid enim hoc ipso designatum fuisse existimabimus? REX NOSTER in ipsis carceribus imperii cursu haud sanè tranquillo delatus in intricatissimorum negotiorum mare, & horrorem ac inclementiam fati expertus omninò est. Ita tamen SE gesfit, pietate suâ fretus rectiq; conscientia subnixus, ut non solummodò emerferit ex bellorum periculis & indomito Martis furore, verùm gloriam quoq; & immortalem famam rebus ex sententia confectis, semper & ubiq; reportârit. Deum immortalem, qui metus imminentium bellorum, quæ confusio, qui apparatus, quæ instructiones, quàm ancipitia, contra PRINCIPEM NOSTRUM, consilia ac machinamenta fabricata passim sunt ! de quibus nec modestia dicere permittit, nec convenit omninò, sopitis jam turbis, & compositis, Dei benignitate, belligerantium animis in univèrsam. Nunquàm non verò Deus tenuit clavum, NOSTRIq; fortunam temperavit clemens, & robur animo ac miram felicitatem perpetuâ & constanti serie cæptis illius aspiravit. Infractum CAROLI GUSTAVI robur & impavidus
animus

animus inde elucet maximè, quod nec attolleretur à læta ac ridenti fortuna, ac moveretur de sede mens, nec deprimeretur etiam; sed ubiq; recta ac æquabilis persisteret. Non aliter acadamas, vim illam ac firmitatem habet, ut infringi aut conteri difficulter possit: Sic ILLE ita ferebat casus atq; calamitates, ut SE supra humanam sortem exsereret, illudq; Poëta cogitaret subinde:

Lege Deum, minimas rerum discordiaturbat,

PACEM summa tenent.

Studium enim in IPSO ac animus non turbandi, sed turbata componendi erat, bellaq; justitiâ & æquitate metiebatur: quo factum ut undiq; non illæsus tantum suorum pondere tutus persisteret, sed & conclamatas suorum res, suo labore sudoreq; restitueret feliciter & in solido locaret. Omnibus enim expeditionibus IPSE interfuit, neq; extremum illum splendorem otiumq; ac tranquillitatem & trabas ac fascès & quicquid circumfundit specietenus Imperatores, sed Populi bonum communemq; utilitatem respiciebat, officium existimans imperare, non regnum. Totius enim tantorum bellorum cura recumbebat in HUNC solum, accipiebat IPSE innumera-biles undiq; nuncios, qui vel affligtas Suorum res, vel erectas ac restitutas ostendebant, totidemq; ILLE mittebat mandata, & dies noctesq; perpeti solitudine de tot Urbibus, Nationibus, Provinciis, & ut verbo dicam, omnium salute cogitabat. Habuit tamen NOSTER tantarum curarum, sortisq; ejus varix sociam ELEONORAM, ex Illustrissimâ Holstatiæ Domo oriundam. QUAM pietas, beneficentia erga affligtos, Castitas, Patientia, & animi magnitudo supra sexum efferebant. HÆC Excelsæ mentis levamen erat, QUAM assumebat in prosperis dubiisq;: HUC magnum illud Imperii pignus CAROLUM, nunc Regem Serenissimum commendabat. Res sanè haud despicienda est, dignaq; quæ inter felicitatis documenta recensetur, si Conjugem ex animi sententia habeat Princeps ejusdemq; fidei ac religionis, & in Virilibus curis parem. De Imperatore Antonio Philosopho nescio quis dixit aliquando, Eum inter Optimos potuisse censerì Imperatores, nisi Faustina Uxor contigisset. Ignosce mihi DOMINA, si laudes meritaq; TUA, quæ cum Divi MARITI virtutibus conjuncta radios atq; splendorem hominum mentibus circumfundunt, adæquare inumbratâ

braticâ hâc Ingenii palæstra, dicendo audeam. Audeo enim revera : Quamquam laudem mereatur potius, & ab invidia procul sit, ea, quæ assequi non possis, religioso silentio venerari. Non possum tamen gestienti animo seseq; effundenti in preces ac omina, quæ pro TUA, DOMINA, salute concipio ac ingemino hîc silere : Deus TE servet, REGINA, QUÆ tantum nobis dedisti PIGNUS, in QUO expressæ Magni CAROLI virtutes & cumulatæ ; à QUO devota VOBIS & invicta Suecorum Natio, non nisi magna tantoq; fastigio digna expectat gerenda sub ILLIUS auspiciis ductuq; atq; fortunâ : CUJUS florem ætatis omnia fausta atq; felicia, Heroicoq; animo propria facinora spondentem intuemur læti, ad omnemq; nutû obsequia nostra devovemus humillimè ac consecramus. Deus TE servet, DOMINA, eaq; in TE conferat abundè, quæ Pietas TUA, omnemq; sexum excedens Virtus meretur jamdudum. Hæc vota mea sunt, hæc ingenui pectoris suspiria, ut serò in Cælum redeas, Regnoq; TUISq; diu intersis REGINA, magnata votisq; ad invidiam felicibus, omnibusq; sequioris fortunæ casibus expedita. Laudes TUAS atq; elogia quæ ne mille simus quisq; assequitur, & velleloquentissimi cujusvis conatû superant, aliis relinquam meritò, quos melior natura & celsioris ingenii vigor ac latera ipsa pares tantæ materiæ tantisq; rebus fecerunt : Memor, Mortalem immortalia tangere nefas, læsiq; Numinis piaculum esse. Transeundum nunc mihi, quamvis invito ac reluctanti, ad ultima pietatis officia erit, exsolvenda NOSTRO PRINCIPII suprema. Nec existimet quisquam, me ambitioso imbre lachrymarum genas perfundere, tundere pectus, crinemq; tenerum vellere, Præficatum in morem, velle, cum ridiculum propemodum ac præposterum videatur, indicare post annum justa, lugendiq; habitum resumere ac revocare. Nemo tamen, qui non ferus ac planè ferreus sit; nulloq; tangatur doloris sensu, sine gemitu ac dolore tanti vulneris recordari potest. Principes enim sicut divino munere donantur terris, ita revocantur itidem à Summo rerum Arbitro, irritato ac insensu sceleribus hominum. Erat infinitis curis exhaustus Divinus PRINCEPS, quæ gerebat intentius pro Exercitu, Suorumq; salute, & jam spectabat metam eamq; veluti anhelabat animo intrepido. Exurebat corpus exhaustum acuta febris jamq; intuentibus eam

præbebat speciem, non REGEM amplius, sed funus Regis esse. Alacer interea ILLE ac lætus, qualem plerumq; in aciem prodeuntem viderat Exercitus, jam jam equum incitatum admitturus pugnaz. Sciebat nimirum piissimus PRINCEPS malum esse militem, qui sequeretur gemens Imperatorem. Sic IPSE non reluctabatur fati SEq; militaturum in posterum confidebat, sub Salvatoris Optimi Iesu Christi auspiciis, qui nutu suo Maria Terrasq; gubernat, Principumq; animos in manu sua habet. In Hunc igitur totâ mente defixus cum esset, non in super tamen Suorum salutem habebat, aut Reipublicæ abjiciebat curam. In ipso enim mortis limine constitutus, sapientissimâ animâ perticeps jam divinitatis perspicacissimè providebat singula sollicitèq; omnia ac prudenter constituebat, tanquàm singulari aliquo Numinis affatu perculsus. Jacebat ILLE in lectulo, in medio belli æstu, intra acerrima certamina, inter ancipites metus, Martiumq; furorem intemperantem. Militibus tamen â Spiritu SUO pendentibus meliorem instillabat spem, fortitudinis atq; constantiæ ad omnem actum Virtutum præcepta subministrabat ac relinquebat. Cum spatium daretur ac secessus â curis, totum SESE in preces sacrasq; meditationes effundebat, quibus reficiebat animam, & tanquàm suffusâ frigidâ recreabat, inq; istis cogitationibus, tandem cæpit deficere, ingentemq; Spiritum commendare Christo Suo, inq; manus veluti ipsius tradere. Nolo nunc refricare vulnus, gemitusq; repetere, ac lachrymas â Militibus profusas, ploratumq; & lamenta, quæ passim in castris personabant. Vigor EJUS & Vultus, dextraq; assueta triumphis, quam formidabant Hostes, osculabantur Milites, occurrebant oculis & ingerebant se ultrò ac desiderium ILLIUS accendebant ardentius. Eam tamen NOSTER, quod memorandum in primis, spem in sepulchrum ac monumentum intulit, mansura perpetuò in fastigio Suo fundamenta Illius Reipublicæ Sueciæ, quam tot egregiis Victoriiis totq; factis æternum laudandis firmaverat ac solidissimè struxerat, nisi quod tantarum rerum gestarum fructum ac emolumentum non percipere ipse potuit, sed Subditis usurpandum reliquit, æternisq; consecrandum monumentis literarum. Audivimus passim repeti ac ingeminari hanc vocem, mirifici affectus ac pietatis laudatissimæ interpretem ac indicem ingenuum, CARO-

LO GUSTAVO imperante, Securi viximus, neminem timuimus, Patri Patriæ, Patri tot bonorum, sit felix ad suprema adscensus, felix cum Christo Rege Regum per secula seculorum cohabitatio, Imperium adiit Anno 1654. Bella gesit inprimis cum Bremensium Civitate, cum Polonis, Muscovitis, Cæsare ac Danis; Hoc ut felici exitu Ipse concluderet, tandem morte immaturâ præpeditus est. Regalis Domûs fastigium munivit, ducta Illustrissimâ; Coniuge Anno eodem: Mortuus est Anno 1659. Iphis Idibus Februarii, cum annos 37. gloriolissimè expleisset. Reliquit inclytæ spei, æmulumq; Paternæ Avitæq; Virtutis Pignus CAROLUM. QUEM ut intueor, viva ac spirans imago Patris CAROLI GUSTAVI obversatur oculis: In EO quantû nobis ademptum defuncto est, tantum felictû in Serenissimo REGE, FILIO speramus, si Celsissima indoles & Regius ille Spiritus maturè ad omnem Virtutis habitum feliciter componantur. Deus TE terris CAROLE, diu hospitem relinquat: sera & Nepotibus demùm Nostriis nota sit illa dies, quæ TE, Regni solamen ac fulcrum, Cælo tuo videat illatum. Abstine ab HOC, manus tuas, fortuna, & in ISTO potentiam tuam non nisi eâ parte quâ prodes, ostende. Patere illum generi humano jam diu ægro ac affecto mederi. Sidus hoc quod præcipitato in profundum ac demerso in tenebras Orbi refulsit, semper luceat. Ita vivat JUVENTUTIS PRINCEPS, ita vigeat, ita splendeat æternitate temporum, rerum fama.

DIXI.



Ardua,



Rdua, sed paucis, HEMPELI, propria laus est,
 Condigno Regum condere facta stylo.
 Et vel sola valet conata in tanta voluntas,
 Victus dum cedit, mole premente, labor.
 Ac quæ tanta adeò succedent flumina linguæ,
 Cuncta ut Suecorum gesta referre queas?
 Occupat orantes Aquilo, majorq; fatigat
 Vim numeri, & quicquid doctus ab arte tenet.
 Te tua sed pietas, HEMPELI, ducit, & ipsa
 Absolvit, pretio sic quoq; magna suo.
 Maæ animo, primæ si sunt hæc orsa juventæ
 Ecquid non credam reddere posse Virum?

Convictori amicissimo facieb.

WITTENBERGÆ

Johannes Ericus Ostermannus,

P. P.



Ad

Humanissimum Juvenem,

DN. GUSTAVUM HENPELIUM, de
 CAROLI GUSTAVI, Regis Svedorum, rebus
 gestis & obitu publicè perorantem.

R Es gestas Regis Svedorum tollis ad astra,
 Quo vix immenso major in orbe datur.

Sar-

25

Sarmata testis erit nobis, Daniæq; potentes;
Sentit idem Batavus, Teutoniæq; Duces.
Totus & horrescit Moschus, non infimus hostis,
Regis ubi Tanti mentio facta fuit.
Grande decus nobis sublatum morte dolemus:
Tu loqueris dextrè maxima facta Ducis.
Vivamus, dum jova finit, Svedosq; colamus;
Quis populus nullus major in orbe mihi est.

Michael VVendelerus,
D. & P. P.

GUSTAVO HEMPELIO, Politissimæ
indolis JUVENI, cùm Divis Manibus
CAROLI GUSTAVI, Serenissimi SVE-
COR. GOTH. VANDELORQ; &c.
REGIS.

Supremam pietatem devotissimè
exsolveret.

O Sacro sanctum Principis optimi
Nomen, quod omni ter-venerabile
Ævo, quis unquam competente
Facta metro, tua prædicabit?

D

GUSTA-

GUSTAVIANOS testor humillimè
 Manes, & ausus, ô GAROLE, entheos
 Tuos, & omnes Christiani
 Ordinis egregios POTENTES:
 Si plura REGI non potes optimo
 Litare, quantum vel pietas iubet
 Vel aequitas deposcit abs te,
 HEMPEL, agas! celebratur ausus.

Georg. Casp. Kirchmaier,
 LL. AA. M. atq; Eloqv. Prof.
 Publ.

Hunc non immeritò toto celebramus in orbe,
 Cujus non falsum gloria nomen habet:
 Cum Tibi GUSTAVE non fiat? Sed quis in astra
 Te extollet nemo? sat celebrare potest
 Ore Tuo Te, si fiat laudum ipse tuarum
 Præco: GUSTAVI nos memores erimus.
 Non tantùm memor est ejus, celebrare politus
 HEMPELlus tentat, dùm enumerare studet

Ejus